



CONVOCATION

Hussein Al-Faiz raih 2 Anugerah Kecemerlangan

8 August 2022

Disediakan oleh: Nor Salwana Mohammad Idris, Bahagian Komunikasi Korporat, Jabatan Canseleri

KUANTAN, 6 Ogos 2022 - Minat yang mendalam bidang robotik menghasilkan kejayaan berganda buat Hussein Al-Faiz Mohamed Ahmed Hafez, 26 yang merupakan graduan Sarjana Muda (Kepujian) Kejuruteraan Automotif - (Program Kerjasama dengan University of Applied Sciences, Jerman apabila meraih kejayaan dengan memperoleh dua anugerah di Majlis Konvokesyen Ke-16 UMP.

Hussein Al-Faiz yang meraih anugerah Kecemerlangan UMW Holdings Bhd. dan anugerah Verein Deutscher Ingenieure Award Association of German Engineers (VDI).

Menurut Hussein, beliau amat terkejut dan tidak menyangka apabila menerima dua anugerah yang besar daripada UMP.

“Walau bagaimanapun, beliau amat bersyukur dengan dengan pengurniaan anugerah ini dan menganggap ia sebagai pendorong untuk terus mengecapi kejayaan.

“Saya ingin mengucapkan setinggi-tinggi jutaan terima kasih kepada keluarga tersayang kerana sentiasa memberi semangat untuk menghabiskan pembelajaran saya.

“Tidak dilupakan juga tenaga pengajar UMP pada rakan-rakan yang sentiasa membantu dan memberi kata-kata semangat ketika saya berada di tahap tertekan,” katanya.

Hussein turut berkongsi pengalamannya ketika berada di Jerman kerana sedang mengikuti Program Kerjasama dengan University of Applied Sciences, Jerman apabila dunia dilanda pandemik COVID19.

“Pada waktu itu, universiti ditutup (lockdown) dan kesemua kelas diadakan secara dalam talian.

“Kelas pula dijalankan di dalam bahasa Jerman dan agak sukar untuk memahami apa yang diajar oleh pensyarah tersebut.

“Disebabkan hanya ada peperiksaan akhir sahaja (100 peratus markah kami adalah dari peperiksaan tersebut dan berbahasa Jerman), saya perlu membuat persiapan yang proaktif dan intensif.

“Saya akan mengulangi semula rakaman video pensyarah Jerman dan membuat terjemahan apa yang beliau cuba sampaikan di dalam kelas,” katanya.

Selain itu, beliau akan membuat study group bersama kawan baiknya, Alyxie Anthony dan cuba menjawab soalan peperiksaan tahun lepas.

Anak kelahiran Kuala Lumpur itu berkata, sepanjang menuntut di UMP, beliau sering memenangi Pertandingan Robotik antaranya di Pertandingan ROBOCON 2019, UTHM-Fraunhofer Corporate Makeathon 2019 (National Level) dan Top 10 Winners of the SOLIDWORKS Skills Competition 2019 for East Coast Region.

Ujarnya, pengalaman yang tidak dapat dilupakan apabila memenangi tempat pertama dalam pertandingan UTHM-Fraunhofer Corporate Makeathon 2019 (National Level).

Beliau bersama rakan-rakannya bertungkus-lumus menjana sebuah idea yang bernas untuk memudahkan pekerja Petronas melaksanakan kerja-kerja penyelenggaraan.

Disebabkan pasukan mereka mempunyai kepakaran masing-masing maka idea mereka dapat direalisasikan dengan baik di hadapan juri-juri pada ketika itu.

Menurut anak pasangan Profesor Mohamed Ahmed Hafez dan Sham Awab ini, minat mendalam terhadap robotik bermula dari sekolah rendah apabila sering membina robot ciptaan sendiri dengan menggunakan kotak susu dan pinggan plastik.



“Kemudian guru saya pada ketika itu mengajak saya untuk menyertai pertandingan LEGO Minstorm.

“Bermula dari situlah, minat saya semakin membuak-buak untuk meneroka kemahiran dalam bidang robotic,” ujarnya.

Anak sulung daripada tiga orang adik-beradik itu, kini sedang memulakan perniagaan bersama rakannya, Harun Dzulquornain Idris menerusi program Tunas Usahawan Belia Bumiputera (TUBE) dengan membekalkan perkhidmatan robotik dan penyelesaian Augmented dan virtual reality di Pekan Pahang iaitu GREST Engineering and Consultancy Services.

Ujarnya, memandangkan Harun juga kini sedang menyambung pengajian di peringkat sarjana di UMP, jadi pada peringkat awal ini mereka akan memulakan perniagaan di Pekan terlebih dahulu.

Pada masa yang sama, Hussein juga kini sedang menyambung pengajian di peringkat Sarjana Kejuruteraan Mekanikal di Universiti Tenaga Nasional (UNITEN), Kajang.

Hussein berharap UMP akan teruskan program dwijazah/exchange program dan memberi lebih banyak peluang kepada pelajar-pelajar mereka dengan mendedahkan pembelajaran di luar negara.

Selain Hussein, seorang lagi penerima anugerah Verein Deutscher Ingeniure Award Association of German Engineers dianugerahkan kepada Ng Jin Yun yang kini sedang melanjutkan pengajian di Jerman.

TAGS / KEYWORDS

[MKKUMP16](#)